



Na osnovu člana 18. Zakona o predškolskom odgoju i obrazovanju („Službene novine Tuzlanskog kantona“ broj: 10/20, 5/22) i člana 44. Pravila Javne ustanove za predškolski odgoj i obrazovanje „Naše dijete“ Tuzla broj: 6796/2018 od 20.12.2018. godine, 02-34-978/2021 od 30.03.2021. godine i 02-34-4334/2022 od 15.11.2022. godine i člana 14. Pravilnika o prijemu djece u Ustanovu (broj: 2672/2019, 02-04-1769/2020 od 01.06.2020. godine, 02-04-2301/2022 od 10.06.2022.), a u vezi sa objavljenim oglasom za prijem djece broj: 01-34-1772/2023 od 01.06.2023. godine, na prijedlog Komisije za upis djece, direktor Javne ustanove za predškolski odgoj i obrazovanje „Naše dijete“ Tuzla dana 30.06.2023. godine donosi:

ODLUKU

o upisu i prijemu djece u Javnu ustanovu za predškolski odgoj i obrazovanje „Naše dijete“ Tuzla za pedagošku 2023/2024. godinu

Član 1.

(Predmet odluke)

Ovom odlukom se vrši upis 1221 djece sa područja grada Tuzle u Javnu ustanovu za predškolski odgoj i obrazovanje „Naše dijete“ Tuzla, a koji su blagovremeno predali zahtjeve za upis i prijem u predškolsku ustanovu, a na osnovu raspisanog javnog oglasa broj: 01-34-1772/2023 od 01.06.2023. godine.

Član 2.

(Lista primljene djece)

Sastavni dio ove Odluke je lista primljene djece – tabelarni prikaz, sa naznakom odjeljenja na koja su primljena.

Član 3.

(Obaveza zaključivanja ugovora)

Roditelji/staratelji djece koja se nalaze na listi primljene djece obavezni su potpisati Ugovor o međusobnim pravima i obavezama, počev od 01.08. – 18.08.2023. godine.
Ukoliko lica iz stava (1) ovog člana u navedenom roku ne pristupe zaključenju ugovora gube pravo na zaključenje istog.

Član 4.

(Dostava ljekarskog uvjerenja za dijete)

Prilikom zaključenja ugovora lica koja se nalaze na listi primljene djece su obavezni priložiti ljekarsko uvjerenje za dijete da može pohađati predškolsku ustanovu.
Važećim ljekarskim uvjerenjima smatrat će se ona ne starija od 30 (trideset) dana u odnosu na prvi dan boravka djeteta u predškolskoj ustanovi.

Član 5.

(Izmirenje obaveza)

Roditelji/staratelji djece koja se nalaze na listi primljene djece prije zaključivanja ugovora su dužni izmiriti svoje obaveze prema ustanovi što će biti provjereno prilikom zaključivanja ugovora.



JAVNA USTANOVA ZA PREDŠKOLSKI ODGOJ I OBRAZOVANJE
„NAŠE DIJETE“ TUZLA
KREČANSKA BROJ 3, 75000 TUZLA
ID BROJ: 4209046740000 CENTRALA/FAX: +38735369920
n-dijete@bih.net.ba www.nasedijete.ba

Član 6.

(Stupanje na snagu)

Ova Odluka stupa na snagu danom donošenja.

POUKA O PRAVNOM LIJEKU:

Protiv ove Odluke može se izjaviti žalba Upravnom odboru u roku od 8 dana od dana donošenja odluke.

Obrazloženje:

U skladu sa članom 12. Pravilnika o prijemu djece Komisija je izvršila razmatranje blagovremeno zaprimljenih zahtjeva te sačinila prijedlog liste primljene djece, te na osnovu koje je odlučeno kao u članu 1. ove Odluke.

Neblagovremeni i nepotpuni zahtjevi nisu uzeti u razmatranje.

Lica iz člana 2. ove Odluke su dužna u periodu od 01.08. – 18.08.2023. godine zaključiti ugovor o međusobnim pravima i obavezama, u suprotnom ukoliko svojom krivicom ne pristupe zaključivanju ugovora gube pravo na isto.

Prilikom zaključivanja ugovora vršit će se provjera analitičkih kartica za podnosiocje zahtjeva koji su prethodnom periodu koristila usluge predškolskog odgoja i obrazovanja, te ukoliko nisu izmirene obaveze plaćanja prema Ustanovi neće moći pristupiti zaključenju Ugovora.

U cilju izbjegavanja dvojnih analitičkih kartica potpisnici ugovora bi trebali biti oni koji su prvi put potpisali ugovor za dijete (u slučaju da se radi o starim korisnicima), a u slučaju da se prvi put zaključuje ugovor onda su to podnosioci zahtjeva.

Prilikom zaključivanja ugovora roditelji/staratelji su dužni dostaviti ljekarsko uvjerenje, na način kako je to tekstom javnog oglasa naznačeno, ne starije od 30 dana u odnosu na prvi dan boravka djeteta u predškolskoj ustanovi.

DOSTAVLJENO:

1. Naslovu
2. Evidenciji
3. A/a


DIREKTOR
Sanja Karić, dipl.iur.
Broj: 01-34-2102/2023
Tuzla, 30.06.2023. godine